

Pandemiak sortutako krisiak udalen gastuan zein diru-bilketan eragin handia du. 2020. urterako diru-aurreikuspenak aski aldatu behar izan ziren beharrezko osasun-segurtasuna, garbitasun-desinfekzioa, gizarte-politikak eta gizarte-zerbitzuak bermatu ahal izateko ez ezik, alarma egoerak erasandako sektoreei eta enpresei laguntzeko ere (enpresa txikiak, merkataritza, ostalaritza, bertako ekoizleak eta abar). Aurreikusitako inbertsioak aldatu behar izan ziren eta diru-sarrerak, Arabako Foru Aldunditik jasotakoak nahiz udal-tasak, txikiagoak dira.

Udalek datozen urteetako beharrak bete ahal izateko, Eusko Jaurlaritzak funts berezia egin behar duela uste dugu. Izan ere, asko dira bete beharrekoak: zerbitzuak eta langileak egokitzea, gizarte-larrialdietarako laguntzak, udal-eskumena direnen gastuak, hezkuntza zein osasun arloetan sor daitezkeen beharrak (udal-erakinen moldaketa eta garbiketa, kasu)

Europar Batasunak egungo krisiak eragindako kalte ekonomiko eta sozialei aurre egiteko funtsa bereziak ahalbidetu ditu; horregatik, diru-pizgarri horietako batzuk udaletara bideratzeaz gain, beraien parte hartzea ere zilegitzat jotzen dugu.

Hori guztia dela eta, udaleko **ORAIN AMURRIO** taldeak Amurrioko Udalari honako hau proposatu dio:

Eusko Jaurlaritzari funtsa ekonomiko bat eskatzea udalok krisi ekonomiko zein sozialari aurre egin ahal diezaiozun, baita europar fondo horien %30 horretarako bideratzea ere. Esan gabe doa funts horien bidezko banaketa erabakitzekeotan udalen parte hartze zuzena bermatu behar dela.